

## **Afreks- og styrktarsjóðir ungra og efnilegra blakmanna**

**Markmið sjóðsins** er að styrkja við þátttöku ungra og efnilegra blakmanna til þátttöku í skilgreindum verkefnum á vegum Blaksambands Íslands. Framlag til sjóðsins eru að stærstum hluta tekjur frá Öldungamóti í blaki ár hvert, auk þess sem að sjóðurinn má leita eftir frjálsum framlögum frá fyrirtækjum, stofnunum og einstaklingum. Stofnframlag sjóðsins er frá 2018, fjármunir sem að framkvæmdaraðilar Öldungamótsins það ár lögðu til hliðar.

**Styrkir sjóðsins** eru eingöngu greiddir til einstaklinga sem hafa með sannanlegum hætti sýnt fram á þátttöku sína í verkefnum á vegum Blaksambands Íslands. Sjóðurinn getur að hámarki greidd út styrki sem nema að heildartekjum frá síðasta starfsári. Ekki er leyfilegt að úthluta styrkjum á milli starfsára. Heimilt er að úthluta Blaksambandi Íslands hluta af fjármunum sjóðsins ár hvert enda renni framlagið eingöngu til starfssemi yngri landsliða innanlands, hvort sem er til niðurgreiðslu á ferðakostnaði eða upphaldi leikmanna.

### **1. grein**

Sjóðurinn heitir Afreks- og styrktarsjóður ungra og efnilegra blakmanna.

### **2. grein**

Tilgangur sjóðsins er að styrkja þá einstaklinga sem kallaðir eru á forvals- og/eða unglíngalandsliðsæfingar á vegum BLÍ og jafna þannig ferðakostnað innanlands. Heimilt er að sækja um ferða- og upphaldsstyrk fyrir ferðum sem eru í a.m.k. 100 km fjarlægð frá heimili iðkenda.

### **3. grein**

Sjóðnum er enn fremur heimilt að veita ferðastyrki vegna þátttöku í viðurkenndum landsliðsverkefnum unglíngalandsliða Blaksambands Íslands innanlands.

### **4. grein**

Umsóknir skulu berast sjóðnum í síðasta lagi mánuði eftir að verkefni líkur á þar til gerðu eyðublaði aðgengilegt á vef Blaksambands Íslands. Allar umsóknir skulu studdar viðeigandi gögnum. Styrkjum skal úthlutað einu sinni á ári í síðasta lagi þann 1. desember ár hvert.

### **5. grein**

Stjórn sjóðsins skal skipuð 3 mönnum. Formaður sjóðsstjórnar skipaður af BLÍ, einn fulltrúi frá landsliðsnefnd BLÍ og einn fulltrúi frá öldungahreyfingunni.

### **6. grein**

Stjórn sjóðsins skal skila árlegri skýrslu til Blaksambands Íslands og leggja hana fyrir Ársþing BLÍ.

### **7. grein**

Reglum þessum verður einungis breytt á ársþingi BLÍ.

*Samþykkt á ársþingi BLÍ þann 29. mars 2019.*